

廣雅碎金附錄（二）
榆園雜興詩



廣雅碎金詩四

門下士吳兆泰黃紹箕江逢辰屠寄伍銓萃吳德瀟等校刊

詠史

賈誼

遭逢聖主落江湘。年少多才豈不祥。自古孤根難獨任。堪嗟同姓楚蘭芳。

漢文帝

救時黃老愧純王。款敵和親計不臧。北宋昭陵知此意。書生何用苦雌黃。

陸賈

調和將相賴良媒。寶劍黃金捆載來。從此海南誇寶玉。使車爭指越王臺。

司馬相如

傳遞琴心作上賓。吹噓賦手藉閹人。餘辜留鑿言封禪。誤到唐元與宋眞。

叔孫通

蘇絕念忝帝改觀。兩生偏道百年難。不知禮樂扶開創。陋絕寒儒二寸冠。

東方朔

上林苑與主人翁。正諫難言譎諫從。不到韓公憂鬼怪。誰知曼倩果猶龍。

劉向

父矢忠良子黨新。五行七略卻無倫。傳家不獨遺經貴。恐有含飴淪杜人。

楊雄

寂寞猖狂作亂臣。苦搜奇字美亡新。成都不少文章士。淺陋何緣動富人。

馬武臧宮

講藝投戈閉玉門。燕然勒後弛邊屯。黃巾甫滅涼兵亂。從此胡塵洛下昏。

李商隱

芙蓉霧夕樂新知。牛李裴回史有辭。未卜郎君行馬貴。後賢應笑義山癡。

房元齡杜如晦

笙磬無徵帝寵優。家聲並隕士林羞。當年參佐宏文館。多少功名出射鉤。房杜之子。皆以反誅。意有道家陰禍歟。

唐明皇

正本安邊有大猷。空談吏治兔園搜。請看安史蕃回亂。可惜顏元典郡州。

張九齡李德裕

流人遠惡盼還鄉。甘露通誅到會昌。賢相蕭條憐末路。贊皇李與曲江張。曲江建議。謫官不得與善地。武宗時。劉稹平。賈餗。王涯。親屬匿。

潞府者。
皆誅。

李泌

衣白山人御輦乘。重來仙翮困驚騰。衡峯嵩室無緣住。歎惜何人悟懶僧。

杜甫

稷契尋常便許身。忽儕孔跖等埃塵。雖高不切輕言語。論定文人有史臣。

裴度

早定淮西晚薦賢。旁看闕禍午橋邊。汾淮泌贊無安枕。忍痛良臣學老聃。

李吉甫

元和漸解武夫權。郡縣成書會計編。牛李宗紛紛攻執政。後來相業果誰賢。

陳子昂宋之問

文人夸誕騁虛辭。多少緇塵浼素絲。伯玉幽貞孤竹詠。延清鯁直老松詩。

白居易

海圖題詠見憂思。浪攪天吳悔已遲。亦有刑天精衛句。千秋獨誦白家詩。

張九齡

辭達風清兩義均。輕縑大練濟時臣。微之浮豔荆公險。敢告衡文薦士人。

陸贄

稽神說鬼費搜尋。總是孤臣悄悄心。爭似忠州方藥好。活人猶比狄公鍼。

誤盡

伯厚多聞鄭校讐。元金興滅兩無憂。文儒充散姑消日。誤盡才人到白頭。
淮譁蜀亂毀藩籬。已是弓藏磬盡時。德壽才催臨禊帖。阜陵又賞選唐詩。
後主春寒弄玉笙。章宗秋月坐金明。詞人不管興亡事。重譜師涓枕上聲。
兵食無籌治本疏。秀才酌古論孫吳。朱辛都愛龍川好。北固樓頭一酒徒。

壽徐蔭軒總憲六十生日

北學編成二百年。何人躋道紹儒先。渾無器豆分功過。長有鑪香告帝天。
峻樸翠庭精習禮。沖虛尺木妙通禪。惟公宗旨能斟酌。博約居然合兩賢。
受學甘盤舊帝師。殷宗神武中興時。法筵屢見麾蒿菜。春殿從無折柳枝。
人羨桓桓經饒寵。遇史傳賈疏總憂危。幾多造膝批鱗事。祇有先朝故老知。
觀復澄心客慧除。能將老易貫真如。早參廬阜蓮花社。新注台州淨土書。
道妙有時狎鷗鳥。仁心何忍窘池魚。性功一滴周華藏。翻覺雲棲解說疏。
今是羣賢道長秋。歸然亞相冠清流。中臺真有神羊在。橫榻都無仗馬羞。
未許廟堦寬李蔡。曾因殿檻惜

朱游直臣甘雨皆堪賀。併入詩篇祝麥邱。時久旱求雨得雨。

門人諸孝廉可寶。爲余畫楚游十三圖。今失去。更求畫手補之。各題一詩。

黃鵠磯

武昌雄劇勝。荊州混合江。湘接漢流。鷗鷺都忘爭戰事。一樽明月坐西樓。

琴臺

漫嗟孤調闕朱絲。當世遺音後世知。梅子山青湖水白。良宵可有撫絃時。

武昌西山

前帶平江後枕湖。山林葱蒨舊吳都。西龕北拒喧騰過。草棘尋幽到二蘇。

樊口

石瘦江清曲港長。窪尊突兀近漁莊。今人亦有聲牙性。願結村居伴漫郎。

雪堂

乞得營田自墾荒。數椽聊禦北風涼。仙翁去後英雄住。占斷江山是此堂。胡文忠公駐軍黃州。葺雪堂駐之。

鹿門

拜床難訪德公廬。白髮詩人作隱居。欲濟無舟牢落意。槎頭秋水釣鱸魚。

習家池

隄上曾無女似花。天寒魚鳥數雲沙。里中冠蓋銷沈盡。尚有荒池號習家。

隆中

健婦蒸藜兒課耕。諸賢朋好又親情。休論魚水雲龍事。已足山居了一生。

蘭臺

在安陸府城內

漢水如環繞郢都。山川秀朗楚中無。侍臣朝暮陪遊讌。成就清才宋大夫。

龍山

山上有寺。余宿此一夕。

司馬豪情幕府賢。霜風落帽賞秋天。龍山剩有枯僧寺。夜雨留人講鈍禪。

蝦蟆碚

蝦蟆碚下水泉清。遷客爭題洞口名。謫到夷陵真善地。豈惟橘茗敵東京。

空舸峽

疊嶂陰深插虎牙。猿猱行處見人家。秋煙搖盡巴人櫓。一夜灘歌兩鬢華。

行峽江。皆蜀船。櫓歌最哀。

蒙泉

在荊門州。

循嶺清泉灑灑鳴。使君講學數遊行。塵車獨戀虛堂宿。默坐苔磯自濯纓。

秋興

歸鴻警邊吹。離羊嘶商音。夷則傷萬物。肅然惻我心。夕溥砌菊露。晨損庭柯森。元蟬閱曼響。蜻蛚振促吟。

虛堂紉細素。珍此一寸陰。隕落悚困學。澄顯愉煩襟。褰衣覽城闕。披露西山岑。涼宇絳棘斂。頽照碧氛沈。登稼農休耒。授衣女急鍼。荒陂稍夷曠。葭亂猶蕭蔭。此日歎竭澤。昔遊鑒清湛。潘生賦不達。漢武樂已淫。玩易自無悶。歌唐獨思深。欲辯誰爲質。命賤聊孤斟。游息止義園。翔集耽文林。誰云秋可悲。且操履霜琴。

扈從上定東陵作

孝貞顯皇
后陵名

蒼梧雲已遠。城臺景忽傾。同歸瞻鼎湖。遐征辭鳳城。六龍爲躑躅。萬騎咸悲鳴。引綽黯天容。啓輶摧皇情。恭維配天日。德邁楚樊貞。教禮彤管煒。廣恩樛木榮。曳練旣垂戒。脫珥亦流聲。板蕩屬危疑。負展資神明。並尊觀娘簡。同德逾皇英。賢才卷耳詠。和氣女媧笙。良由好道德。終見告武成。西眷葱嶺靜。東澹瀛洲平。保冲奠兩代。付託完八紘。天步已清晏。聖善功莫京。重紆聽卑訪。祇益受寵驚。絳灌詫殊遇。終賈非爲名。撮壤亦何裨。負乘徒殫精。璇魄有薄蝕。秋霜忽淒清。追思燕羽勛。莫阻鸞驂迎。仙桃弇山渺。儀樹薊煙橫。幽宮闕億載。雨泣號編氓。風撼羣松哀。日照孤蒼誠。小臣蒙蔭育。何用惜餘生。

同張繩菴訪僧心泉因與同遊南窪

簪組如林森機械。拙者轉喉招噴怪。辛苦酬答兩無益。適野尋僧差足快。清遠無如龍樹閣。風水鱗鱗漾蒲稗。白日閒澹罕遊人。午鳩獨鳴寂梵唄。三人不知誰主客。錯綜談端如鍼芥。會心卽答倦卽默。茗椀無溫聊一啜。此際轡鞅盡擺脫。何異枯柳樛馬疥。禪客灑落不參禪。偶參金石及書畫。遠識阮徵儀徵姚昂伯昂。近戴林鹿林劉庭燕庭。略述舊聞資感喟。海寧達受號博古。法眼炯炯同宗派。縹囊犀軸積如倉。投老盡償柴

米債此亦五陰障。真如今朝始入四禪界。文暢愛文心無著。如滿遊山力未憊。我雖鈍根可漸磨。師老難迴年齒邁。留此孤雲伴我遊。灑然何知世網隘。

族姪瑞蔭入學。與其父子青宮相同歲。賦詩爲賀。

高人鉅谷虎龍蕃。合有蘭芽玉挺妍。剛數祥齡周綺甲。已欣故物得青氈。傳家灝固汾陰榜。華國韋平漢史編。我愧穎濱羈海曲。和詩喜得小斜川。

嶄然頭角不尋常。南阮西裴與有光。豈羨文辭比枚馬。好爲公相致堯湯。父風清約留茶器。門地高華戒紫囊。六十年來重秉節。佳談更繼北平黃。黃侍郎叔琳與其子纘憲登賢。先後同科成進士。

憶蜀遊十一首

浣花溪

乾隆下詔訪蜀故。禮壁石室均渺茫。君平卜肆更無考。趙錄樂記烏能詳。獨有城西浣花宅。至今門前溪水香。經術道德皆寂滅。世人所愛徒文章。文章小技胡能爾。顛倒百代籠三唐。此老落筆與衆異。憂國愛主出肝腸。胡羯恣睢蕃回閔。收京問寢無時忘。敦本好賢念故舊。臧獲雞蟲皆恐傷。乞錢辛苦作草閣。苟完豈能免淒涼。今日朱甍映淥水。竹露滿徑圍花光。身居兩載甚倉卒。栖神獨與江山長。豈是詩筆吐光燄。實惟忠篤通穹蒼。卽論愛文亦美俗。巖穴老生皆激昂。鄙哉大橋題駟馬。徒以富貴驕其鄉。今成都北十里。有駟馬橋。

劍閣

物苟有可欲。徒自錮南山。敵國貪吾土。地利難防閑。瀛海不能阻。奚論山蹊間。劍門若石城。猿鳥愁躋攀。五丁迎秦使。納敵召禍患。艾越彬亦入。重扃失其艱。平世成夷塗。戍卒稀且閒。陰壑秋雨積。馬羸憂石頑。巖樹覆深澗。微聞鳴潺潺。慷慨發勞歌。誰爲賦縣蠻。陸銘不可求。峭壁惟苔斑。李唐恃三窟。乘輿四往還。宋真逮金哀。學步何其孱。天子守四夷。豈在保一關。

錦屏山

嘉陵一江勝處在閬州。閬州城南號稱五城十二樓。明鏡三面抱城郭。錦屏九疊臨汀洲。江深石潤樹蔥蒨。帝子飛蓋時來遊。峭壁下瞰龍鼉動。危磴上見猿猱休。山顛地勢轉夷曠。翹足臥看澄江流。當年丹梯碧瓦照山谷。今日石棱磊磊成荒邱。時見樵牧語煙靄。無復士女嬉春秋。杜歌清壯猶可誦。馮記荒渺誰能搜。唐代親藩多典郡。曹皋最著他無儔。好治宮室恣游讌。猶勝虐下藏奸謀。吾聞洪川高閣亦是滕王建。飛雲捲雨今仍留。我勸蜀人惜名勝。荒蕨勿使山靈羞。

凌雲山

李冰弱水性。雙流分離堆。醺爲千陂塘。漣漫生文漪。合爲一巨瀆。頓異濫觴時。嘉州江始縱。如鯨揚其鬚。青衣自西注。高浪無雄雌。靈巖爲幟志。岸然臨其歧。石色閒黝赤。藤蒙樹倒垂。摩頂高且平。廣讌可張施。手持一卮酒。下視千帆馳。三峩見翠黛。晴明或見之。曠欲游鴻濛。豪欲挹地維。如去肝鬲病。宿痞吐無遺。

盤山鑿化人。蟠腹手如箕。道是南康王。造象福氓蚩。皋才雖文武。暴侈驚華夷。留此鉅偉觀。差足駭蛟螭。山川數雄駿。吾謂蜀之魁。蘇歌固跌宕。未盡山川奇。願召名士游。一洗寒酸詩。

重慶府

江與孫水會。漢嘉南下敘。州會金沙瀘。洲南會黔瀘。水都邑逐漸成。繁華重慶北。會西漢入。壯盛灝漾。遂無涯。楚加不羹陵。中國秦並六王成。一家名城危踞層巖上。鷹麟鶚視雄三巴。巴人能文兼好武。深山今已無長蛇。唐人分鎮昧形勢。梓州亦建東川牙。吳畫嘉陵不畫入江處。丹青雖妙奚足誇。荆湖東控關門戶。子午北嚮通幽遐。東風連檣來估舶。春雲被野蕃桑麻。橘官鹽井並充阜。萬機織錦翻朝霞。產巴緞。今更緞爲方文錦。請歌巴曲教渝舞。夜夜醉看巴江花。

忠州東坡

川東山水會。忠州最清妍。巴峻夔陜隘。適處巴夔閒。唐代猶僻陋。謫官類多賢。前有李與陸。後有白樂天。既少冠蓋客。復無歌舞筵。民貧吏亦魯。弄筆圖木蓮。野步得東坡。聊寄桑者閒。我來江上望。花竹籠春煙。萬畝同一綠。菜畦閒秧田。江平碧瑟瑟。山遠青娟娟。刺史甚安樂。廚傳頗充然。不望遷三秩。但願居十年。竊笑古人常有遷謫意。雖有山水戚戚無歡顏。今忠州爲四川善地。余按試時。同鄉侯菊坡知此州。先調省。年餘回任。甚喜。

摩圍閣

在黔江縣郁山鎮。

蒼蒼摩圍山。猶染唐時色。白樂天詩。摩圍山色正蒼蒼。

此是入黔道。巒山逞崢嶸。太虛失清曠。遭此羣峭逼。往者李供

奉後來黃魯直。山閣井觀天。遷客來遊息。其下有升井。泠泠我心惻。宜州寄城樓。羨此安可得。黃詩多樣牙。吐語無平直。三反信難曉。讀之鯁胸臆。如佩玉瓊琚。舍車行荆棘。又如佳茶薺。可啜不可食。子瞻與齊名。坦蕩殊雕飾。枉受黨人禍。無通但有塞。差幸身後昌。德壽摹妙墨。注詩獲任淵。亦得謫蜀力。南浦題名存。山鬼護石刻。

邛崃山九折坂

今名大相公嶺。小相公嶺。土人謂以武侯得名。恐非。疑是草南康。李贊皇耳。

漢家愛金碧。遠通西南徼。至今兩物蕃。貢市來六詔。自從唐蒙後。叱馭猶震掉。熙朝文軫恢。越舊供庸調。匏壺鬼教廢。花鬢菩薩妙。不憂瀘水毒。奚畏邛崃峭。嵐氣造陰晦。燭龍鄙不照。不見山首尾。高度詎能料。巨有旄牛迹。悽無杜鵑叫。閔茲役夫病。胸懷捧輿轎。明發昏未休。百盤困旋繞。茅舍喜一飯。溼衣就烘燎。谷鳴致霧涌。搖手戒呼嘯。兩日升嶺脊。西見雪山耀。直北走松維。迤南包蠻驃。積素鬬朝日。目懾身飄搖。大嶺最廣博。小嶺亦窅窅。熟戶解迎拜。生番或攻剽。蜀境接藏衛。法王受徵召。嶮嶮耆閭岫。冠蓋久焜耀。何況益部內。豈蹈回車誚。寧遠有銅官。誅求吏不肖。蜀帥無遠略。黃龍失信約。葛侯收南中。豈曰非治要。

夔門

導河鑿三門。導江止一門。赤甲高刺天。瑤姬司其閫。自入湍氏道。驟如萬馬奔。噓噏恃一壑。鯁咽不能吞。灩澦抗其閒。虎豹當關蹲。盜穴走鯢桓。聯臂戰猿猱。何人立高輈。指麾灘師尊。哀歌助羣杙。犯難穿天根。臍入汨後出。觀者失其魂。霜清秋潦降。漸見東西屯。牽挽費百丈。峻壁漸可捫。建華陽國。人力扶其樊。

昔日麻鹽通。今日集諸蕃。從來多險國。不得如圈豚。攻者成霸王。守者難自存。流柿破吳都。井蛙蹙公孫。八陣已破碎。日落巫雲昏。

火井

閉關一無求。善國莫如蜀。大利歸鹽筴。不薪火自足。富媼吐靈怪。光向絳霄燭。一邀葛相窺。再昌炎漢錄。當其穿鑿始。頑堅百丈剛。萬竈恣煎烹。天鑒程鄭欲。卻哂巴婦井。丹沙細如粟。神愁地脈洩。人畏劫灰促。蜀產洵夥頤。更僕難盡錄。錦江夏絲白。蒙頂春茶綠。陰木堅勝鐵。樹蠟潔如玉。危茜令衰歇。糖霜復繼續。順慶紅花之利。今爲洋紅所奪。自黃山谷居敘州。始造糖霜。著糖霜譜。今爲出洋土貨大宗。銅鐵饒坑冶。但患無人督。馬牛充耕戰。藥物兼良毒。憶昔南宋季。一鎮支全局。緡錢三十萬。供軍踵相屬。南宋時。蜀中財賦解三司者。三百餘萬緡。蜀中自用者。三千餘萬緡。固由地產穰。亦恐征斂酷。保民有至道。君子善處沃。

青城山

在灌縣。余季父曾知灌縣。久聞其勝。今提蜀學。報端。遂欲往游。聞有司將具供張。乃止。

五嶽之外孰可遊。山荒樹伐憐羅浮。雁宕石好病瘦狹。黃山雲好嫌陰幽。匡廬外博中枯寂。但誇簾谷懸飛流。只有青城不可唾。深秀能使人淹留。巖壑回互三十里。青蒼不落無春秋。層巒簇簇散花竹。長坂往往開田疇。隨處澗泉堪濯足。登攀不爲芒鞋愁。千家百寺資用廣。薪蔬何待出山求。欲界仙都此儼是。縱留一月豈能周。古有避世姚平仲。今聞好事何東洲。何子貞由四川提學。罷官後曾往游。茲山十載入夢寐。已辦笠屐窮探搜。或云行部古不到。謝公伐木招人尤。不畏鶴猿謝逋客。惟恐雞犬驚鳴騶。姑效興公寄吟想。弔奇有願

何年酬。

沈松樵贈琴泉寺唐經三紙

琴泉寺在瀘川府。即唐惠義寺。

唐書貴楷則。峭急始經生。千碑同一法。寫經遂孤行。晚出王鱸祥。蚤顯鍾紹京。東川遺梵夾。資福獨無名。想見拾遺來。浮圖尙崢嶸。象法不自庇。劫火俄相撓。舍利已灰滅。掇拾得筆精。麻紙黃不蠹。松墨湛兒睛。尙時取急就。千萬日有程。臥腕驅拂筆。波媚出欹傾。右餘左不足。荒率得其情。宋帖多臆改。觀此息喧爭。三藏大海闊。片紙一漚輕。將毋佛笑儒。寶此如連城。研金與刺血。彼教何其宏。儒徒寫釋典。蔽惑良不平。我自重我法。古今一蔣衡。誰存孔壁簡。豈咎秦皇坑。

五北將歌

廣州副都統烏蘭泰

桓桓都護鬚髯紫。平日愛兵如父子。

都統在京。爲八旗都統。待兵最有恩。爲謀生計。回民屠羊者號羊。肉牀。慣以重息剝旗兵。公爲設法還債。而禁其私借。旗兵以紓。

萬里征討

毒瘴鄉。能結士心得士死。

左江右江賊如麻。四方征調糜蟲沙。按礮持燧不敢發。一里以外猶呿嗟。始將

火攻教儒卒。可惜利器無開花。

烏在京管火器營。以長於火器著稱。

老熊據險氣山涌。水竇孤軍搖不動。黑夜出奇卷甲來。以

少擊多無旋踵。獨恨諸君不和輯。

老將兀兀成孤立。桂林橋上鐵雨飛。

公中戰重傷。旋殞。

五管軍民同雨泣。嗚呼

庸相真無謀。棄駿任驚禍神州。當年若使烏向爲兩翼。安有長鯨直下江海成橫流。

賽相任總兵和春。後以爲翼長。和在諸鎮中差

勝。然遠非烏向之比。

湖北提督塔忠武齊布

湘沸江騰虎出柙。千城百壘如摧拉。誰翻敗局據勝勢。破賊首見滿洲塔。艱難起義曾太傅。左提右挈無人助。猛火光裏識奇男。一旦英雄歸駕馭。

塔署長沙協守備。以救火爲曾公所知。南來帳下三百人。爲親兵。後皆立功名。一材武皆冠軍。

童添彭三劉士畢金。劇豺虎。將戰沒者。楊斌。鮑超。黃升。李朝斌。翔風。

雲。諸將皆三百人之內。楊長沙協湘陰汛千總。鮑從軍門神武殆天授。能用水師兼步門。楊勇毅即其部下。六合。

槍訣無人學。公自教將校親兵六合槍。皆只龍二三。出必先人歸殿後。上游湘潭城。下游九江郡。行二千里無。

頓刃。兵勢如龍賊如草。百船鐵鑲一宵燼。歸營僵臥不知人。公至九江後。謀畫戰圖。勞苦過差。每戰歸。輒明。

朝蓐食仍陷陣。田鎮故壘臨江涓。父老言之歎且悲。中興諸將列茅土。開創風氣非公誰。我聞但有勝將。

無勝兵。惟在運用能神明。請看塔公部下諸將士。豈分勇營與綠營。公所部有湘勇。寶勇。辰勇。湖南撫。

西安將軍多忠武隆阿。

明公將步布將騎。縱橫天下皆如意。胡公東征善知人。鮑步多騎左右臂。收取太湖扼潛山。奇兵橫絕集。

賢關。馬隊八百敵萬衆。無髮無捻無精堅。陳狗失穴如遊沸鼎內。安慶無援已在掌握間。江淮大局進退。

在一戰。挂車河水流血成朱殷。古來騎將專擊搏。今看陷陣良足樂。灌嬰季布平陽侯。不及將軍有智略。

關中禍亂留花門。三輔焦爛無完邨。外援到陝已卻步。劉秉璋之軍敗於陝西。鮑超聞調入關。辭避不往。

內兵渡渭徒迸奔。劉蓉

所部屢敗。將軍鐘鼓鳴壩上。終南山色開朝昏。盤屋堅巢城如鐵。將星遽碎城亦裂。以攻盤屋城中。城拔。部下。

金龜善慶長順穆阿王陞曹忠雷綰正餘威掃盡蔥嶺雪從來步騎難兼長何況能謀能戰平生無敗創所恨倉卒不待一二載生寫形容上紫光

科爾沁僧忠親王

南軍尙持重北軍尙剽疾湘淮兩幟戰江表河北獨有名王一中原曠蕩幾千里鐵騎騰蹴一萬匹神京既奠遂南下年年征討無休日海東勁卒材昂藏奉天吉林黑龍江東三省馬隊漠南蕃部性雄強內蒙古四十九旗目瞋語難孰

能馭指揮赴敵如驅羊射雕羽箭二斤重詐馬繩竿九尺長正兵螺旋迭進退馬隊進戰皆爲螺旋陣退亦如之奇兵鳥翼相舒張不知何者爲兵法但見萬馬併爲一馬無能當王全不依古來營陣之法自言吾馬隊不論多少戰時合爲一人一馬連鎮街馮官屯杞

縣城金樓村白蓮池上東捻滅馬山口外西捻奔大沽夷船亦奪氣威豐己未王防天津海口擊敗英法兩國兵船蒙城苗練先

亡魂大功數十小戰不知數所到驚呼赤面如天神王面正赤見者驚爲關壯穆誠感悍鎮化野性陳國瑞善戰而最策驚服王忠誠奉令

謹指授良將成高勳張曜宋慶自從王征討後戰益力名益起殘寇狂走趣戰迫強弩穿縞不自惜紅旗一隊稱軍鋒先向

平原灑戰血紅旗馬隊副都統恆齡最有名以追賊急戰歿汝州盡殲大憝覆鳥巢有名擒首皆殲盡毀蒙毫擒巢甘酬素志歸馬革廿年大帥多

如林車後遺棄梁肉廐下堆黃金阿史社爾行軍無臥具沙陀朱耶報國惟赤心蟻蝨滿甲幾曾浣芻藁

一束時難尋艱苦廉樸鑒天地家家私祭同霑襟嗚呼異姓賢王羅青史李郭徐常非其比不獨戰功近

掩策凌超勇王合將忠誠遠追擴廓奇男子

塔爾巴哈台參贊大臣署伊犁將軍錫綸

匈奴象人射郅都。楚祭北門爲黔夫。敵國所惡我所寶。羊陸市詐將人愚。邇來閫外盛材武。敢戰內寇怯。戰虜何況羅利逞睢盱。六國同聲畏狼虎。一自昆彌叛不朝。王庭十載淪天驕。狡黠老漁伺便利。盜據甄脫容遁逃。豪傑陷賊能自拔。習慣沙場從結髮。賢父戰死沙州城。桓靖美諡榮忠骨。父□□爲古城領隊大賢兄博學高名起。兄副都統錫鎮。博雅能文。爲滿洲名士。武達文通一門裏。國難家讎在西域。孤兒甘赴邊城死。絕遠無如塔城孤。斗入斯科環雜胡。藩籬外收哈薩克。塔城一帶。內哈薩克屬我。外哈薩克屬俄。犄角內結呼土圖。阿爾泰山喇嘛棍噶札拉參。曾布多塔爾巴塔台一帶蒙民皆附之。有衆十萬。屢與俄邊人戰。錫深與結納。相爲犄角。俄人侵軼者。輒擒治之。俄深忌兩人。屢言於朝。求斥去之。遂疊經吏議革職。暫緩離將軍任。清語克爲語助辭。若讀呼土克圖。聽之只有呼土圖三字。無克字。匈奴未滅家何有。閉壁不許通妻孥。妻子自都赴之。閉門不與相見。居之他所。墾荒起疲變重鎮。鄂博一步誰能踰。西鄰責言衆積毀。熱血未冷霜盈顙。玉門望斷敵人喜。刀筆糾纏紛紛起。私交不責許田鄭。山東巡撫張曜。借洋債六十萬爲私用。身後事發。戶部爲奏請籌款償之。亦無譴責。市租獨苛代郡李。戶部劾其借俄商餉五萬。前後奏報不符。撤銷卹典。恩寬僅殺飾終儀。柳絮淒涼歸萬里。二卯葉將古有之。長城頓壞今已矣。鼓鼙聲壯磬聲悲。我皇聽之思者誰。屯田未熟征夫老。界上來爭帕爾碑。

金山觀東坡玉帶歌

黨人文字毀不留。章蔡疾之若仇讐。帶鞬一圍落方外。山僧寶之若天球。豈惟僧俗知敬愛。壓伏海門百靈怪。曾瞻黃繖對延英。更抵傳衣鎮法界。傳衣傳鉢碎南華。達摩傳六祖衣鉢。在韶州南華寺。明提學道魏校莊渠椎碎。道君玉柙埋胡沙。可憐攢宮一片石。理宗不保歸眞伽。世事由來有反覆。故主謫臣殊榮辱。南巡聖藻身後榮。宣仁社飯當